



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1616

2. Vndenam sit Imperatoris potestas, & iurisdictio.

urn:nbn:de:hbz:466:1-14007

operatoris, Regis, vel alterius Principis ditioni & Imperio subiecti.

Ecclesiastica itidem potestas est duplex: Vna supernaturalis ordinis, & diuini iuris, qua homines ad finem supernaturalem per remedia supernaturalia diriguntur: qualis est, quam Christus Dominus instituit, & in sua Ecclesia reliquit: qua Sacraenta administantur, sacrificia fiant, Deo offeruntur, peccata remittuntur, diuinum verbum annuntiantur, & declaratur, cœli ostium aperitur. Altera potestas est naturalis iuris & ordinis, item & humana, qua homines ad finem tantum naturalem, vel humanum quamvis Ecclesiasticum, opera, & ministerio sacerdotum, per ea, quæ sunt humani, vel naturalis Ordinis referuntur. Nam etiam si homo ad finem supernaturalem destinatus non esset, nihilominus tamen iure naturali, & recte rationis ductu, Deum, ut supremum dominum, rerumque omnium conditorem, omnia bonorum largitorem colere pie, & religiose deberet. Religio vero sine Sacerdotibus, aris & templis non est. Ac ideo hæc omnia generatim accepta iuri sunt naturalis. *refo. S. Thom. in 2.2. q. 85. art. 1. ad 1.* Item multa sunt in Ecclesia Sacerdotum potestate sancta, vel prohibita, quæ sunt Canonici iuris, & quæ ad mores iuri naturali conuenientes spectant, vt de usuis, de iuteiuando, defurtis, de homicidio, de adulteriis, de empto, & vendito; de deposito, commodato, de locato, & conducto, de testamentis, de legatis.

Tertio queritur, Vnde sit potestas civilis? Respondeo, esse ex ipso iure naturali, si generatim loquamur: nam iuri naturali, hoc est, gentium, est, ut homines societas quadam coniuncti vivant: at societas confistere, & conservari non potest, nisi quidam præstant, qui cæteros in pace, concordia, & charitate contineat. Vnde iure gentium ciuitates, & res publicæ fundatae, creati Magistratus, laicæ & sacerdotiales leges, iudicia constituta, quibus fontes puniuntur, infantes defenduntur, cuique tribuitur quod suum est: & in his omnibus constitutæ civilis potestas.

Quarto queritur, Vt̄a potestas sit excellentior atque præstantior, Ecclesiastica, An civilis? Respondeo, natura, dignitate, nobilitate, ac perfectione Ecclesiasticae præstantiorem esse. Nam sicut Sol præstat Luna, anima corpori, spiritus carni, & terrenis ecclesia antecellunt; Sic potestas spiritualis civili, quoniam per illam animalrum salus, per hanc reipublicæ pax & tranquillitas conservatur. Illa, quæ religionis sunt, & diuini cultus, quæ coelestia sunt, & spiritualia, curat & administrat: hæc, quæ profana sunt, & ciuilia, ac temporalia. *Incap. 111. in cap. Solita, de maiorit. & obed.* multis rationibus ostendit, potestas Ecclesiasticae esse maiorem. Idem probat Gregorius VII. Epist. 21. Registr. lib. 8.

C A P. II.

Vnde nam sit Imperatoris potestas & iurisdictio.

Primo queritur, Vtrum Imperatoris potestas qualis nunc est, sit à Deo, An à Romano Pontifice, An à populo? Quæstionem hanc tractat late Cardinalis in cap. Cum ad vorum, distinctione 9. Ioannes Parisenfis, Theologus Dominicanus tractat de potestate seculari, & spirituali per multa capita, Gaftaldus intrat tractat, de Imperatore, quæstione 4. Michael Vulcurunus de Regimine mundi, part 2. q. 2. principali, Antonius in Report. in capitul. Per venerabilem: Qui filii sunt legitimi, Oldradus consil. 83. quod incipit: An Episcopus, Petrus cognomento de monte in lib. de Monarchia, Albertus in l. Bene à Zenone. C. de quadrienni. prescript.

Præsens quæstio nunc non tractatur à me de Imperatore, qui cepit esse ante Christi ortum: hic enim Imperator fuit Augustus Cæsar, cuius Imperii quadragesimo secundo anno natus est Christus; cuius etiam Cæsar Imperii ortus magis pervim & tyrannidem, quam per leges

& iura cepit: quamvis postea Senatus, populi & Romani consensu confirmatus est.

Nec item nunc hanc quæstionem dispuo de ceteris Imperatoribus Romanis, qui Augusto Cæsari successerunt, & fuerunt à fide & religione Christiani, quique nunc quidem à populo, nunc à Senatu, nunc ab exercitu militum, nunc à Prætorianis militibus, modo per vim & tyrannidem, modo demum ab ipsis Imperatoribus nominabantur, eligebantur, & creabantur, & tandem Senatus auctoritate & consensu, & proinde populi Romani confirmabantur expresse vel tacite.

Nec item quæstio intelligitur à me, de iis Imperatoribus, qui post Constantium Magnum usque ad Carolum Magnum imperarū: hi etenim quamvis Christiani fuerint, & proinde summo Pontifici, ut Christi Domini Vicario subiecti, magis per successionem, quam per electionem, Romani Pontificis auctoritate institutam, & peculiarter confirmatam, facti sunt Imperatores: tameli eorum nonnulli per vim & tyrannidem Imperium inuaserint, & usurparint: & aliū vel ab exercitu militum, vel ab ipsius Imperatoribus nominatis, sive electi Imperium suscepint. Facetur quidem S. Thomas in Opusculo de Regimine Principum, lib. 2. cap. 16. Imperatores Constantinopolitanos à Constantino Magno usque ad Carolum Magnum, à Vicario Christi summo videlicet Pontifice dependere: unde ipsorum Imperium ad execundandum regimen fidelium secundum mandatum Summi Pontificis ordinavatur: ut merito dici posuerint executores & Imperatores Dei ad gubernandum populum Christianum. Sic ille: Ceterum in praesenti loco primum ostendere contendimus, num ea, quæ nunc est, Imperatoris potestas qualis videlicet est post tempora Caroli Magni, & eorum, qui post ipsum imperaverunt, à Romano Pontifice existat, & conferatur, num à Deo, An potius à populo: postea secundo loco dicam de Imperatoris potestate, quæ fuit à tempore Constantini Magni usque ad ætatem Caroli Magni: Tertio loco de ea, quæ fuit à tempore Augusti Cæsaris usque ad seculum Constantini Magni. Et quamvis post Carolum Magnum aliqui per successionem quoque Imperium tenuerint, Quæstio tamen locum habet in Imperatoribus, qui post Carolum Magnum successerunt: nam ab eo tempore Imperator à Romano Pontifice confirmari, inuagi, factari, & coronari copi, & tanquam Patronus, & Prosector Ecclesiarum, iurierando promittere consuevit Ecclesiam, & Romanum Pontificem Christi Vicarium, & Petri successorem defensurum. Et ideo hinc orta est controværsia, An Imperatoris iurisdictio, & potestas exsistat, & detur à Romano Pontifice, An potius à Deo, An vero à populo, ita ut imperii proceres nomine, vel Dei, vel summi Pontificis Romani, vel populi, suis suffragiis Imperatorem elegant, & creent.

Sciendum est, Quæstionem præsentem in eo consistere, An Imperatoris iurisdictio sit proxime à Deo, An proxime à Romano Pontifice, An proxime à populo. Tunc Deus dicitur proxime Regem aliquem, vel Imperatorem eligere, cum per seipsum, nō per alium interpositum, cum eligit, & creat, aut quando per seipsum iurisdictiōnem tribuit, quamvis iussu ipsius, ab hominibus eligatur. Hoc modo olim Deus Moysen, & plerosque alios iudices Hebreorum populo prefecit. Sic Saulum & Dauidem, Reges constituit: sic Samuel in toto Israele, & quidem Prophetæ, iussi Dei reges aliquos in decem Tribubus creaverunt. Sic & Romanus Pontifex quamvis Cardinalium suffragiis electus, supremam in totam Ecclesiam iurisdictionem, & potestatem proxime à Christo Domino accipit: nec enim Cardinales qui eligunt, ei potestatē tribuunt. Regem vero, vel Imperatorem tunc Deus non eligit, vel creat proxime per seipsum, cum id facit per alium interpositum, cui ordinariam contulit auctoritatem, ut ipse eligeret & crearet.

His positis, non solum in ciuili, sed etiam in Canonico iure multa legimus, in quibus Imperatorem à populo ac-

cipere

cipere potestatem inuenimus: multa itidem, in quibus Imperator dicitur esse à Deo constitutus, alia item in quibus imperium à Romano Pontifice esse, conferri, & pendere prohibetur.

In l. 1. ff. de Constitut. habetur: *Populus Romanus ipsi Imperatori, & in ipsum, omne Imperium omnemque suam potestatem contulit.* Idem legitur *Inst. de iure naturali, Gentium, & ciuii. §. Sed & quod Principi.* Idem in l. 1. §. Cum enim utq. lex. C. de veteri iure ensueando, & l. 1. ff. ad legem Iuliam, de Ambitu.

Alia vero iura ciuilia expresse dicunt, Imperium esse à Deo. Auchen. de instrumento, causa, & fide §. 1. legitimus: *Quia igitur Imperium propterea Deus de caelo constituit.* Et in l. 1. C. de summa Trinitate dicitur: *Quia ex coelesti arbitrio sumperimus.* Et Auchen. *Vt defuncti seu funera eorum, §. Si vero etiam aliis gentibus, quarum nobis principatum alium quidem ab initio dedit Deus, alium vero adiecit.* Item Auchen. *De non alienan, vel permutan, rebus Ecclesie, §. Sinimus igitur, Imperator, cui plurimum dedit Deus habere, & mulierum Dominum esse.* Et in libro Feudorum, tit. de Pace tenet & eius violatoribus, in principio: *Quoniam diuina praordinante Clementia, solium Regis misericordie condicione. l. Codice, de veteri iure enuclean, in principio: Deo auctore nostrum gubernans Imperium, quod nobis à coelesti Majestate traditum est.* In Auchen. *Quonodo oporteat Episcopos, in principio: Maxima quidem in omnibus sunt dona Dei à sepera collata Clementia, Sacerdotium, & Imperium: Ex illius quidem diuinis ministrans, hoc humanis, uno eodemque Principio utraque excedens, humanam exornant uitam.* Ultima, ad finem, Codice, de Quadrienni prescripti. *Quo, nutu diuino, Imperiales suceptimus insulam.* Auchen. de Consil. §. Olim: *Deus misit Imperatorem lege animatum in terras; & in Ultima. Codice, de Praescript. longi temporis, illis verbis: Ideo nostri Maiores subtilissimo animo, & diuino quodam motu.* In Auchen. *Vt non luxuriantur, in Principio, illis verbis: Ut crediti (subiecti scilicet) nobis à Domino Deo, bene vivant.* In Auchen. de Quæstione, in principio: *Dei auxilio, vt subiecti ab eius Clementia nobis tradici, illi seruerentur.* In Auchen. *Constitutio, quia de dignitatibus, in principio: A Deo tradita nobis reipublica.* In Auchen. de armis in principio: *Subiectos omnes quorum regnum nobis dedit Deus.* In Auchen. de Princ. dotis, in principio. In Auchen. *vt differentes, illis verbis: Ex quo nos Deus Romano prepositus Imperio, & illis commissa nobis à Deo reipublica.* In Auchen. de Triente & Semiss. §. Ultimo, illis verbis: *Semper aliquid adicit Deus nostris sceptris.* Tum in l. Secunda, Codice de officio Prefecti Pratorio Africa, in principio: *Per ipsum enim iura Imperii suscepimus.*

Hoc idem etiam confirmatur ex iure ipso Canonico. Nam in c. Constantinus, dist. 96. quamvis ibi palea esse dicatur, legitimus: *Vnde coram Deo vivo, qui nos regnare præcepit.* Idem colligitur ex cap. Quæstum, 24. q. 4. cap. Quoniam. cap. Inscripsit, dist. 10. cap. Duo sunt, cap. Si Imperator, dist. 96. cap. Legimus, dist. 93. cap. Cum ad verum, dist. 96.

Propter hanc iuris multi iuri Interpretes, præsertim ciuilis, sentiunt, Imperatoris potestate esse à Deo proxime, non à Romano Pontifice: *Bo quod Imperium, inquit, ceperit ante Romanum Pontificem: de qua re.* Glossa in cap. Quoniam, dist. 10. *Verb. discessit, & in cap. Quæstum. 2. 3. q. 4. in cap. Si Imperator, cap. duo sunt, & in cap. Cum ad verum, dist. 96.* Hugo ibidem ait: *Imperium non esse ab Apostolica sede, sed à Deo, quam sentientiam probare conatur Glossa multis rationibus. Alberi, in verbo. Eleccio. ait: Credo Sacerdotium, & Imperium esse potestates distinctas, & à Deo processisse, de quo sat is notau in l. 1. C. de sum. Trinit. & fid. Cathol. idem docet Ioannes Parisiensis Theologus Dominicanus tractat supra citato, cap. 4. 5. 8. & 9. Sic etiam Michael Vulceranus libro superiori citato. Sed certe communis fere consensu iuris Doctorum, præsertim Pontifici, est recepta sententia, Imperatoris iurisdictionem & potestatem esse, ac pendere proxime à Rom. Pontifice, quoniam ipsi data est à Deo omnis potestas gubernandi, & administrandi Ecclesiam: Et Christus Dominus unum ouile, & unum*

gregem constituit, cui Petrum & successores eius præfecit. Petro dictum est: *Pax mea est, non haec aut illas: sed absolute & simpliciter oves meas: omnes ergo: ac proinde Imperatores, Reges, & Principes.* Petro item dictum est: *Tu es Petrus, & super hanc Petram adificabo Ecclesiam meam, & tibi dabo claves regni calorum, & quodcumque solueris, & ligaueris super terram, erit soluum & ligatum in celis.* Nec obstat, si dicas, Imperium esse à Romano Pontifice, quod attinet ad ea tantum, quia spiritualia sunt: nam contra est, quod Rom. Pontifex virisque regni, terreni, & coelestis claves accepit. At enim Nicolaus I. in cap. Omnes, dist. 22. B. Petro eterna vita & Clauzero, terreni firmi & coelestis Imperii iura Dominus commisit. In cap. Duo sunt, dist. 96. ita legitimus: *Duo sunt quippe Imperator Augustus, quibus principaliter hic mundus regitur, Auditorias sacra Pontificium, & regalis potestas: in quibus tanto granum est pondus Sacerdotum, quanto etiam pro ipsis regimur: in diuino sunt redditus, ex amissione rationem.* Nostri itaque inter hac ex illorum te pendere indicie, non illos ad tuam posse redigi voluntatem. Talibus igitur institutis, talibusque functi auctoritatibus plerique Pontifices, alii Reges, alii Imperatores excommunicauerunt. Idque probat alibi Pontifex exemplo B. Innocentii Papæ, qui excommunicauit Arcadium Imperatorem, quia consenserat, vt S. Ioan. Chrysostomus è sua sede pelleretur: & exemplo B. Ambrosii, qui licet sanctus, nō tamē viuens Ecclesiæ Episcopus pro culpa, que alii sacerdotibus non adeo gravis videbatur, Theodosium Magnum Imperatorem excommunicans ab Ecclesia excluit. Hec ibi Pontifex. *Et in extravaganti, Vnam sanctam, de Maiestate, inter communis, Bonifacius Octavius definit, Romanum Pontificem duas habere potestates, & eas à Christo Domino accepisse, spiritualem, & temporalem, quod probat Glossa in cap. Omnes, in verbo, Cœlestis, dist. 22.* Præterea Imperator creatur, vt sit Ecclesiæ minister, patronus, protector & tutor contra hereticos, schismatics, paganos, & omnes Christiani nominis hostes. Ergo imperium exsistit ac pendet ex summo Christi Vicario. Nam ut docet Arist. lib. 1. Ethic. 1. *Eius artis est magistros eligere, & instrumen- ta exhibere idonea & commoda, cuius est ad finem intendere & ducere: sicut militaris ars, cuius finis est in bello victoria, eligit equestrem artē, & alias administras. Cum ergo Romanus Pontifex Christianam rem publicam dirigat ad salutem aeternam, eius est, Ecclesiæ ministros idoneos dare, patronos, tutores, & protectores adhibere, qui populum Christianum, Ecclesiæ, sacerdotes, tempora, altaria, & alia sacra contra hostes tueantur & protegant. Accedit, quod Ecclesia est unum corpus, cuius est unum caput: *At Summus Pontifex post Christum Dominum, est totius Ecclesiæ caput, cum sit Christi Domini Vicarius, & a capite est omnis virtus in corpus: alioqui si imperium non est à Romano Pontifice, Imperator & Summus Pontifex erunt duo capita in Ecclesiæ, duo in terris Vicarii: quod dici non potest.**

Hæc sententia iure Canonico confirmata est sibi. Nam in cap. Venerabile, de elect. Innocentius Terrius ait, electionem Imperatoris ad Germanos Principes pertinere: *Verum, inquit, illis Principibus ius & potestatem eligendi Imperatorem recognoscimus quidem iure, & antiqua conjectudine conuenire: præsertim cum ad eos ius & potestas huiusmodi ab Apostolica sede prouenerit, que Romanum Imperium à Graeci translata in Germanos. Sed & Principes recognoscere debent, & utique recognoscunt, sicut idem in nostra recognoscere praefatus, quod ius & auctoritas examinandi personam electam in Regem, & promouendam ad Imperium, ad nos spectat, qui cum inungimus, consecramus, & coronamus.* Ex quibus verbis Pontificis magnum sumitur argumentum. Nam Rom. Pontifex Imperium à Graeci ad Germanos translit: Germanorum Principibus ius & potestatem concessi eligendi Imperatorem: electi merita examinat, approbat, confirmat: & ita electum vngit, consecrat, coronat: *Quæ omnia perspicua sunt argumenta, quod Imperatoris iurisdictione & potestas, sit & pendeat à Rom. Pontifice. Prædicta*

enim non nisi superioris sunt potestatis. Præterea Rom. Pontifex Imperatori imperium abrogat: nam Gregorius VII. Henricus IV. imperio priuauit. Alexandrus Tertius, Federicus Primus, Innocentius Tertius, Othonem Tertium, Gregorius Notus, & Innocentius Quartus, Federicum Secundum, Iohannes Vigefimus secundus, & Clemens VI. Ludovicum Quartum Bauarum. Constat item ex Auctoribus fide dignis Emmanuel Constantiopolitanum Imperatorem bis per Legatos petuisse ab Alexandro Tertio Rom. Pontifice, ut Occidentale imperium cum Orientali coniungeret: Eman. Imperator Orientis, intelligens Italianam Feder. Imperatoris bellis vexari, Beneuentum ad Alexandrum Tertium Legatis missis, promisit le Grecos cum Latinis iuncturum, & ipsum à molesta Fedetrici liberaturum, & gradi pecuniae summa donaturum, si contra imperii Occidentalis, quæ fure erat Federico adempta, donasset, & utriusque imperii Imperatorem appellasset. Respondit Alexander ex Cardinalium consilio, se nolle in unum coniungere, quod olim, de industria maiores sui & antecessores disiunxit. Diaconus in vita Alexandri. Sigonius de regno Italiae, lib. 14. anno 1168. Pater etiam Gregor. Decimum Michael Palæologo Orientis imperium confirmasse, quod ad Lugdunense Concilium accessisset. Item, eundem Gregorius Electores imperii schismate laborantes, ad Imperatorem cœdam coegerit: contestatum, nisi id citio fecissent, se eorum negligentiam supplicandam curarunt. Clementem itidem Sextum electo & damnato Ludouico Bauaro, communatum fuisse Electoribus nouum Imperatorem eligere recusantibus, se eos per censuras Ecclesiasticas compulsum. Præterea Innocentius III. in cap. Solita, de majoritate & obed. scribens ad Imperatorem Constantiopolitanum, multis rationibus probat, imperium Sacerdotio subesse, non contra Sacerdotium imperio. Primo, quia ad Sacerdotes spiritualia pertinent, ad Imperatores temporalia: Sed spiritualia sunt temporalibus digniora. Secundo quia sacerdoti, non Regi, dictum est Hic est. Ecce constituit super gentes & regna, & euellas, & disipes, & adfices, & plantes. Tertio, quia sicut Deus fecit duo luminaria magna in firmamento cœli, luminares manus, & praefecit diei & luminares manus, & praefecit nocti, utrumque magnum, sed alterum manus: Sic ad firmamentum cœli, hoc est, vniuersalis Ecclesia, fecit Deus duo magna lumina, id est, duas institutus dignitates, quae sunt Pontificis auctoritas, & regni ipsi potestas: Sed illa quæ praefecit diebus, id est, spirituualibus, maior est: quæ vero carnalibus, minor, ut quæta est inter Solem & Lunam, tanta inter Pontifices & Reges differentia cognoscatur. Quarto quia beato Petro commissæ sunt oves, Christo dicente Domino: Pascœ oves meas, non distinguens inter has & alias; ut alienum a suo demonstraret ouili, qui Petrum & successores ipsius magistros non recognosceret & pastores. Ultimo, quia Dominus dixit ad Petrum, & in Petrum ad successores ipsius: Quodcumque ligaueris super terram, erit ligatum & in cœlo: nihil excipiens, quia dixit (quodcumque.) Et in cap. ad Apostolicæ, defens. & re iudica in 6. Innocentius Quartus in Concilio Lugdunensi probat, ex illo Christi Domini: Quodcumque ligaueris super terram, erit ligatum & in cœlo, posse Romanum Pontificem iustis de caufis, hoc est, ob crimina Imperatore Regno & imperio priuare, & absoluere eos, qui sunt Imperator subiecti, omni vinculo & obligatio ne iurisfundi, quo ipsi erant ante adstricti. Idem ostendit Clemens V. in Concilio Viennensi, ut habetur in Clem. Pastoralis, de fons. & re iudica. Denique Bonifacius VIII. in extruagani. Vnam sanctam, de maiori & obed. inter extruagantes communes definit, vnum esse caput in Ecclesia, non duo, Christum, & Christi Vicarium Petrum, & Petri successorem, cui fuit dictum: Pascœ oves meas. Meas, inquit, generaliter, non singulariter has vel illas: & in eius potestate duos gladios, spiritualiem videlicet auctoritatem, sive potestatem, & temporalem auctoritatem subiicit spirituali potestati, quia spiritualis præcessit terrena

dignitatem: & spiritualis potestas terrenam instituit, & iudicat, si bona non fuerit, iuxta illud Hieremias 1. Ecce constituit te sapientia, & regna.

Propter haec iura & decreta Romanorum Pontificum, docet Abbas in cap. Venerabilem, de elect. nsm. II. & in consil. 28. par. 1. Aretinus Conf. 59. Barc. in l. 1. ff. de requiren. rei. Cardinalis item in cap. cum ad verum, dicit. 96. Antonius in reposit. in cap. Venerabilem, qui filii sunt legit. Felinus in cap. No. uit. de iudic. Petrus de Monte, & Caffaldus loco supra citatis. Antonius 3. parte, tit. 22. cap. 5. §. 15. Augustinus Triumphus de potestate. Pap. q. 3. art. 1. & 2. Sylvestris in verbo. Pap. q. 9. 10. & alii permuli in cap. Nouit. de iudicis. Imperium à Romano Pontifice esse & pendere, & Imperatorem ab eo suam iurisdictionem & potestatem habere: & hoc certi juris est. Et reuera, qui negat Imperatoris iurisdictionem & potestatem à Romano Pontifice, sive Ecclesia existere, negat quoq; decreta Romanorum Pontificum Innocentij III. Innocentii IV. Clementis V. Bonifacii VIII. Negat etiam auctoritatem Cœciliorum, Lugdunensem sub Innocentio IV. & Viennensem sub Clemente V. in quibus Conciliis edita sunt duo ex prædictis decretis. Vnde Bartolus in l. 1. §. 1. ff. de requiren. rei. Abbas in cap. Nouit. de indic. aiunt, Dantem Philoophum poetamq; Florentinum, post mortem fuisse quasi proper hoc de hæresi damnatum, qualib. 3. de Monarchia scripterit, Imperium non esse ab Ecclesia, cum pueritum rationibus, inquit Bartolus, teneat Ecclesia in constitutione Bonifacii, Vnam sanctam, de maior. & obed. Imperium ab Ecclesia esse & pendere.

Ad ea vero omnia, quæ exire ciuii & Canonico obiecta sunt, in quibus habetur, Imperium esse à Deo: breui responderemus, esse à Deo quidem, sed non proxime; nec enim Deus per seipsum Imperatorem elegit vel creavit, sed voluit, ut ab Ecclesia sive Romano Pontifice, cui totius Ecclesiæ administrationem commisit spiritualem & temporalem, eligeretur & crearetur. Vnde quia Pontifex id facit ratione muneric & officii quo fungitur, ideo ipse est, qui proxime per seipsum, vel per alium Imperatorum iurisdictionem & potestatem tribuit: ipse est qui iurius & potestatem eligit Electoribus concedit; demum ipse est, qui electum Imperatorem ungit, consecrat, & patronum ac protectorem Ecclesiæ facit. Obiectis: Imperator non habet superiorem quem agnoscat in iis, quæ temporalia sunt. Item, si imperium est à summo Pontifice, ergo Imperator est Vicarius Romani Pontificis, & posset in temporalibus prouocari ab Imperatore ad summum Pontificem. Item Gregorius epistol. 6. 1. lib. 2. registri iudic. 11. scribens Imperatori Mauritio, sepe cum vocat dominum suum. Ad hæc argumenta respondere inferius in alia quaestione videlicet cap. 6. q. 3. in repositione ad ultimum.

Secundo queritur, Quid dicendum de Imperio Romanorum, quod fuit à tempore Constantini Magni Christianam religionem professi usque ad tempus, quo Carolus Magnus creatus est Imperator Occidentis? Et a tempore Imperator Romanorum auctoritate Romani Pontificis non elegebatur, non confirmitabatur, nec vngebatur, nec coronabatur: Imperium igitur non dabatur à Papa: sed vel militum exercitus eligerat, aut nominabat, aut designabat Imperatorem, & populus ratum & accepit habebat, vel Imperator filium Cæarem nominabat, & imperii consortem faciebat, vel per vim & tyrannidem, quis imperium occupabat. Ceterum quia Imperatores Christiani erant, Romano Pontifici, tanquam oves pastori subiectibatur iure divino, quo successor sancti Petri est Christi Domini Vicarius in terra. Sed numquid in temporalibus etiam erat imperium tunc summo Pontifici ipso iure subiectum? Erat profecto, non quod summus Pontifex natus & arbitratus suo posset in peccatum Imperatoribus abrogare, sed quod in certis quibusdam causis ipso iure, quævis non facto, posset Imperatorem imperio priuare, ut putari si Imperator esset hæreticus, schismaticus, hæreticorum fautor, sive schismaticorum adiutor, defensor. Poterat iure quidem, licet non facto, Constantius Arianus Im-

perator,

perator, & Arianorum fautor auctoritate Romani Pontificis imperio deifici. Dixi iure quidem, licet non facta. Quia ad factum vires Pontifici decerant, non ius faciendi. Poterat Julianus Christianæ religionis desertor, ipso iure summi Pontificis auctoritate ab imperio remoueri. Constantinus Papa Philippicum Imperatorem hereticum non solum anathemate percussit, sed etiam coacto Concilio decreuit, ne Philippici tanquam Imperatoris hereticii aut literæ, aut nummi recipere entur: neque imago eius, ut moris erat, in templum infertetur: neque nomen eius in solemnis sacrificiis ederetur. Gregorius Secundus Leonem Tertium Icomachum Imperatorem a piorum communione submouit, ut qui non solum hereticus & hereticorum fautor esset, sed etiam Catholicorum hostis & persecutor acerimus: & mox Italiae populo, sacramenti, quo se illi obligauerant, religione exoluit, & ne ei aut tributum darent, aut alia ratione obdiderent, indicxit. Quo decreto accepto Romani, Campani, Rauennates, & Pentapolitani a Leone subditu defecerunt. Poterat iure Imperator auctoritate Romani Pontificis imperio spoliati, si pacem Ecclesiæ promissam & iuratam non seruabat. Si Episcopos & Clericos suo officio fungi prohibebat. Si Ecclesiæ claves contemnibat: Si Ecclesiæ iuris subiurabat. Si denique Christiana reipublica pacem, salutem, & bonum conturbabat. Item si vacante tunc imperio, ius Christianis populis esset ex necessitate dicendum, potestas erat penes Romanum Pontificem dicendi ius populis: nam vacante imperio, administratio eius ipso iure ad summum Pontificem spectat, ut colligitur ex cap. Liceat, de foro comp. & Extr. aug. si fratrum Ioa. 12. tit. ne fide vacante: & ita docuerunt Bar. in Inscript. ff. de usq. cap. Bal. in l. cum notissimi. 9. immo. C. de prescr. Ioa. Fab. Inst. de adopt. comb. §. 1. Abb. in cap. Liceat, num. 8. de foro compet. Rom. singulari, quod incipit, vacante imperio 417.

Tertio queritur, Quid dicendum de Imperio Romanorum, quod fuit a tempore, quo B. Petrus transiit summus Christi Domini Vicarius Catholicam Ecclesiæ gubernauit? Respondeo etiam tunc penes Romanos Pontifices etiam adimendi ex certis causis imperium Ethnici Imperatoribus, quoniam licet Imperatores, Paganerant, ut extra Ecclesiam, & imperium a Papa non habebant, at quatenus Euangeli promulgationem aut verabant aut impediabant, quatenus Christianos persecutabant, Ecclesiarum bona occupabant, ius Ecclesiæ, ac proinde Romanus Pontifex habebat, indicendi & interfandi bellum illis, & eos imperio spoliandi. Nec obstat, si Ecclesia tunc id non faciebat, quia in multis Ecclesiæ ius habet, & tamen secundum ius quod habet, non facit, quoniam non expedit iuri rigorem sequi, & aliquando ius nostrum persequi non possumus, vel quia vires nobis non suppetunt, vel quia maiora mala credimus deuantia. Diuino iure imperia & regna mundi sunt Vicario Christi Domini subiecta ad Euangelicam legem promulgandam, ad Christianam religionem tuendam, conseruandam, & propagandam.

C A P. III.

De electione Imperatoris.

Primo queritur, An iuris Canonici sit ut Imperator per electionem, non per hereditatem successione creetur? Respondeo, iuris esse Canonici id enim constat ex cap. Venerabilem, de elect. illis verbis: Verum illis Principibus ius & potestas est eligendi Regem in Imperatorem postmodum promovendum, recognoscimus, ut debemus, ad quos de iure & antiqua consuetudine noscitur pertinere: presertim cum ad eos ius & potestas huiusmodi ab Apostolica sede peruenierit. Ergo iuris est Canonici, ut imperium per electionem, non per successionem habeatur. Idem confiat ex Clem. 1. de iure & antiqua. Nec est audiendus Alberi, cum ait in Dictionarii in verbo electione. Pastores Ecclesiæ, mittentes falcam in messum

alienam, fecerunt decretalem, de electione Imperatoris, que incepti: Venerabilem. libere in hac parte loquuntur est Albericus, & plus quam par est Imperatorum factioni adhaesit, & fuit: cum Pontificia auctoritas studiosior esse debet. Cum Imperator eligatur ut patronus, ut defensor, ut propugnator Ecclesiæ Catholicæ, Romani Pontificis est, de electione Imperatoris decernere ad commune Christianæ religionis & reipublica bonum.

Secundo queritur, An qui praest imperio, eligatur rex Romanorum, an potius Imperator? De hac quest. cap proxime sequenti disputabo.

Tertio queritur, An iuris sit Canonici, ut Imperator ex genere tantum & natione Germanorum eligatur & creetur? Cardinalis in cap. Venerabilem, de elect. sentit nullo iure ex sola natione Germanorum eligi Imperatorem debere: Quia cum in iure Canonico, inquit, habetur ad Germanos imperium esse translatum, & Theutonicis imperium datum esse, nihil aliud significatur, nisi datum esse Germanis seu Theutonicis ius elegendi Imperatorem. Unde non prohibet ius, quo minus Germani Principes ex alia gente eligant Imperatorem. Abbas in cap. Venerabilem, de elect. num. 17. affirmit idius esse Canonici, quia in eo cap. dicitur: De apostolica sede, que Romanum Imperium in persona Magnifici Caroli, à Gracis transalpum in Germanos. Vbi Glossa in verbo (transalpum) ergo, inquit, Regnum mundi translatum est ad Theutonicos: nam ipsi habent Regnum Romana Ecclesia. De consecrata, distinet, s. in cap. In die, habetur: Theutonicis concessionem regnum, & regnum nostra Ecclesia. Idem in Clem. 1. de iure roman. in principio illis verbis: Quia à Gracis imperium transalpum in Germanos. Si tamen inter Germanos nullus esset dignus imperio, tunc liberum esset electoribus regem Romanorum ex alia natione eligere, argumento sumpto ex cap. Ne per defectum, ad finem, de elect. Quemadmodum si in collegio Cardinalium nullus esset idoneus ad Pontificatum, integrum esset Cardinalibus extra collegium alium eligere: ut colligitur ex cap. 1. distincti. 23 in verbo, Eligatur. Sic etiam iuris est Canonici, ut ex gremio Ecclesiæ, sive ex collegio Canonorum, Antilles, sive Episcopus eligatur. Quod si nullus dignus inueniatur, aliunde quam ex gremio Ecclesiæ potest eligi. Ex cap. Cuius inter Canonicos, de elect. & cap. Abbas 18. quast. 2. Nam ut docet Glossa in l. Plane. ff. Quod cuiusque universitatis nomi. Et in l. in Ecclesiæ. C. de episc. & cleric. Vbi non reperitur idoneus in aliquo loco, eligitur quis ex alio loco.

Quidam obiiciunt, Anno Domini 1256. Principes, & proceres Germania, monente Romano Pontifice, post obitum Gulielmi Regis Germanorum, in imperii comitiis, in quibus de Augusto diligendo, & in Gulielmi Caesaris locum subrogando deliberatio suscepta erat, diuersa suffragia tulisse. Nam Archiepiscopus Coloniensis, suo & Moguntini Praefulsi nomine, cuius Vicarius erat, Comes quoque Palatinus Richardum Cornubia coritem, Henrici Anglia Regis fratrem elegerunt: at Archiepiscopus Treverensis, & Dux Saxonia, qui Marchionis Brandenburgensis absentis partes implebat, Richardi electionem, ut virto factam existimantes, Alphonsum hoc nomine decimum, Cattellæ Regem suis suffragiis imperio praesecerunt. Respondeo, hoc argumento non probari, ex alia gente & natione, quam Germanica possit iure Imperatorem diligere: quia licet Alphonsus Rex etat Castellæ, gentis tamen maternum ex Germania Imperatoribus trahebat. Erat enim Beatus filius, & ex ea Philippi quandam Augusti nepos. Richardus item quamvis in Anglia Comes, sanguinis tamen propinquitate ad Germanos attinebat. Satis igitur est, ut quis Imperator eligi iure queat, si genus ducar per partem, vel per matrem, a Germanis.

Budem modo dilucide id quod alii opponunt, videlicet Carolum V. Flandrum Imperatorem, & Ferdinandum eius fratrem Compluti in Hispania natum, Imperatorem electum, & creatum fuisse: quosiam Carolus V.